

rendissimo cardinale erano 4 milia cinquecento et ottanta tre, et passorno a 7 per fila, et furono giudicate bele compagnie universalmente.

261 *Summario di una lettera da Fiorenza, di 12 dezembrio 1529, scritta per Vincenzo Fidel, secretario, a domino Zuan Batista Fidel dottor suo fradelo.*

Da novo poco se ritrova, se non di qualche scaramutia, qual sempre si fauno con danno de nemici, quali stano cosi assediati come noi di dentro. Et questa nocte passata a hore 7 el signor Stefano Colona ussi con 500 fanti electi, tutti armati di corsaleti et de arme di asta, et andò asaltar el campo, et dete ne la banda de taliani nel colonelo di Sara Colonna, et combatè valorosissimamente, con ocisione de più de 200 de loro, et nissuno de nostri, con grandissimo honor del prefato signor Stefano. Et è opinion, se l'andava con maggior forzo, il che non se fece per non poner questa cità in qualche pericolo, riportava certissima vittoria, perchè el campo trovato di nocte non provisto se levò tutto pensando che fusse ussita tutta la zente per far giornata. Io a quel' hora che sapeva l'ordine me ne andai in cima del nostro palazzo, che è eminentissimo, dal qual se vede el giorno tutti li alloggiamenti de inimici, et steli per sino a cosa compita che durò el rumore che sonava uno inferno dui bone hore. Et è cosa miracolosa da udir, in tanto strepito et nel tirar che faceva li nostri da le mura per dar maggior sbigotimento, non fosse alcuno de la cità si movesse, anzi in ogni canto se sentiva una quiete come se ogni uno dormisse nel più sicuro loco che desiderar se potesse, et talmente sono inanimati et assicurati gli animi de ciascuno che, oltra che per conservation de la libertà loro ne stimano nè facultà nè le vite, sono in ferma speranza ne la gratia de nostro signor Dio de vincer et superar li suoi nemici, non ostante che aspetino nove forze et nova gente a le mura. Et a questo bel fato di questa note si vi trovorno gran parte de quelli vi andarono de li gioveni de questa cità et de li nobilissimi, quali se diportorno talmente che 'l signor Stefano li extolle fino al cielo, che è cosa degna de memoria a veder insieme con le arme la religion, el non stimar la vita, non roba, per defension de la patria. Prego Iddio provedi a la quiete de Italia et de la

261\* republika christiana. Stassi in aspetatione de intender qualche cosa de li acordi, qual desidero siano con beneficio et honor de la illustrissima Signoria nostra etc.

*A dì 21, marti, fo San Thomà.* Havendo mandato a rechieder l'orator del Signor turco, heri, de haver hozi audientia secreta, heri in Pregadi fo chiamadi sier Thomà Contarini, sier Piero Bragadin et dieci altri zentilhomoni de Pregadi, et ordinatoli lo meni questa matina in Colegio. Et cussi venuto, fo mandati prima tutti fuora quelli non intrava nel Consejo de X, et interprete Hironimo Zivran è a la cancelaria, expose quello volse, et stete dentro più de hore do, *videlicet* . . . . .

Vene poi, nel levar del Serenissimo, dentro, che havia aspectato in sala d'oro queste due hore, lo orator de Fiorenza, et disse quanto havia da soi Signori: la copia de le qual lettere sarano qui avanti scrite.

Da poi disnar, fo Colegio de Savi *ad consulendum*, zerca le cose del Turco, de expedirlo et mandarlo contento via. *Item*, deteno audientia ad alcuni.

*A dì 22. Di Bologna, fo lettere del Contarini orator, di 19 et 20, hore . . . . de nocte.* Scrive esser stali insieme con el papa et li deputati cesarei, et scritto li capitoli, et rimasto de tutto de acordo, sichè el zorno sequente se venirà a la stipulation. *Etiam* le cose del duca de Milan è asedate, ancora che si doglia assai, et li sarà dà Veghene al marchexe del Guasto . . . . et Monza a Antonio da Leva . . . . .

Vene el Legato in Colegio, dicendo haver hauto uno brieve del papa, el qual li comanda che debbi comparer dal Serenissimo, et rechieder quanto lo orator nostro li ha promesso, zoè li sali de Zervia, le intrade de Ravena, oltra la spexa, et che la Signoria li dagi el possesso de vescoadi, et voglia observar la bola fece papa Julio, con altre parole.

Da poi disnar, fo Consejo di X con la Zonta. Prima fo assà el Consejo semplice.

Fu posto una gratia, de donar ducati 50 a . . . . Ruberti secretario di sier Gabriel Venier, orator appresso el duca de Milan, stato assai, et fu presa.

Fu posto una gratia de fioli fo de sier Marco Antonio Boldù qu. sier Hironimo, debitor de la Signoria nostra, de pagar el suo debito con dar tanti legnami a l'Arsenal; fu presa.

Fu posto una gratia de sier . . . . Loredan, qu. sier Polo debitor de daci, qual è retenuto, de pagar ditto debito, dando certi legnami a l'Arsenal; fu presa.

Fu posto la gratia de Stefano Bontempo ra-